



四庫禁燬書叢刊編纂委員會

北京出版社

四庫禁燬書叢刊

# 史部第一四冊目次

皇明世法錄九十二卷(二)

(明)陳仁錫撰  
中國史學叢書影印明崇禎刻本

.....

皇明世法錄九十二卷(二)

〔明〕陳仁錫撰

中國史學叢書影印

明崇禎刻本

皇明世法錄卷之十二下冊

史臣

陳仁壽

太祖高皇帝聖製

勅

諭太師韓國公李善長江夏侯周德興江陰侯吳良等

古有移兵之道爲產少而食多所以挾鄉之民產少業薄者被遷至所在使得其安生理且厚可見昔君養民富國如是誠爲良法也前者胡運衰豪傑起蕩廢中土民不聊生朕與卿等帥六軍東保皇明世法錄 卷十二 聖製 下冊 一

江左二十有一年立綱陳紀平荆楚定吳越中原席捲將如律民無犯華夷一統惟淮甸沃壤盡爲蕭疎前者移江南民十有四萬詣鳳陽使各農田而實地以壯京畿恐斯民之衆下人不能馭特留卿等督責其事而提調之近聞南安侯俞通源情事弗勤闢田之役擬作三月通算日工一夫止闢四分皆不及半畝於斯情狀未審何如方今霜天在過正當二麥種下之時若一夫不及十畝則通源有異方之行必遠海之外未知悅乎卿等開國老臣特示以利害惟卿督責之是便

諭岐寧衛經歷熊鼎知事杜寅西涼衛經歷蔡秉彝甘肅衛經歷張訥等

勅爾西行務持漢案以便來聞其餘蒙古行移從其自擇近知彼中事簡文案不繁爾甚清閒即目秋高露墜結而爲霜衰艸連天又將飛雪蔽野若不諳練暴入其方則肌膚爲之折裂若欲樂是方度酷寒惟狐裘可禦然此物塞地胡人之常服也卿奉勅塞外未及備行今遣使馳驛齎衣往賜作禦寒之用設若備寒不固又不可輕取上下紊亂憲章貽笑後世卿當篤聽朕言善保歲寒九年春皇明世法錄 卷十二 聖製 下冊 二

交者至爾歸而聞

諭征虜將軍曹國公李文忠副將軍濟寧侯顧時及諸侯等

前者孟秋勅爾舟行代將軍穎川侯等歸以解風霜之勞八月穎川侯已還自爾去後至今又三月矣即目季秋將盡彼中動靜尚未知亦不見曾無的知胡人消息否若未知胡人情狀當差的當人有機變者跨輕騎數十潛形深入獲彼之人務知端的不致疑惑古人之用兵也惟務知已知彼以爲上策以朕細料幼胡今年得種牛馬頗牧彼中

有達者安得不以爲苟延殘喘之上計且得養力休息設若彼中無識者捨休息之上計馳疲乏之軍廢漸少之騎來寇邊境爾等慎督三軍一鼓可俘獲其盡若彼不來爾當堅諸隘謹斥堠潛形獲訊以靜朔方

勞遼東都衛指揮

滄海之東遼爲首疆中夏旣寧斯必戍守朕功未暇乃有蓋州諸將共意來庭固守其地以待朕命於是整舟楫特命指揮馬雲葉旺等帥精兵東渡深高金湯蓋遼陽以安黎庶壯夷罔知

皇明世法錄 卷十二 聖製 下冊 三

天命屢害生民舊歲冬十二月寇我金州指揮某某苦同士卒戰在當先以寡敵衆遼蓋諸將深謀扼險惟爾遼東諸將忠義干天得獲渠魁不負委托宜鎮方面於戲練兵保民在歷代之必先祀

天地以會百神欲人之多福壯虜無知尚強虐善登宜道哉

勞大同都衛指揮

古之守天下者君憑臣能故忠義之士不待君督其事而自勤是故功著史冊垂名不朽今朕有天下封疆四際遐荒各以臣守卿當壯鎮身被酷暑

晝驅馳於戎馬夜慮擒謀心神俱勞而無思朕甚憫焉今者首春氣和堅冰漸薄塞艸將萌胡馬瘦而弓弛卿當解甲以候薰風整離鞍以待秋至控弦執矢觀釁而動卿其慎之以制人

勞西河衛都指揮

卿守西疆今已九年矣恩威懷播於戎羌號令嚴明令壯士忠心昭著於朝野朕甚嘉焉時當初夏特遣人往勞卿宜慎恤邊戍晨昏毋怠

勞海南衛指揮

南溟之浩瀚中有奇甸方數千里歷代安天下之

皇明世法錄 卷十二 聖製 下冊 四

君必遣仁勇者守戍地居炎方多熱少寒時忽瘴雲埋樹若非仁人君子豈得而壽耶今卿等率壯士連歲戍此朕甚念之今差某往勞

賜誠意伯劉基還鄉

朕聞古人有云君子絕交惡言不出忠臣去國不潔其名爾劉基括蒼之士少有英名海內聞之及元末羣雄鼎峙孰辨真偽者誰歲在戊戌天下正當擾亂之秋朕親帥六軍下雙溪而有浙左獨爾括蒼未附惟知爾名耳吾將謂白面書生不識時務不久而括蒼附朕已還京何期即觀俯察獨斷

無疑千里之餘兼程而至謁朕陳情百無不當至  
如用征四方摧堅撫順爾亦助焉不數年間天下  
一統當定功行賞之時朕不忘爾從未定之秋是  
用加以顯爵特使垂名於千萬年之不朽勅歸老  
於桑梓以盡天年何期禍生於有隙至是不安若  
明以憲章則輕重有不可恕若論相從之始則國  
有八議故不奪其名而奪其祿此國之大體也若  
愚蠢之徒必不克已將謂已是而國非卿善為忠  
者所以不辨而趨朝一則擇他人之餘論况親君  
之心甚切此可謂不絜其名者歟惡言不出者歟

皇明世法錄 卷十二 聖製

五

卿今年邁居京數載近聞老病日侵不以筋力自  
強朕甚憫之於戲禽鳥生於叢木翎翹乾而颺去  
戀巢之情時時而復顧禽鳥如是况人者乎若商  
不亡於道官終老於家世人之萬幸也今也老病  
未篤可速往括蒼共語兒孫以盡考終之道豈不  
君臣兩全者歟

賜署令汪文劉英勅

古今名爵奔走天下豪傑者愚夫未達以其不知  
其志罔識其意焉朕本農夫家貧喪父母身當切  
所指幸隣人汪姓者保護之無地可葬及壯可以  
幸隣人劉姓者惠以墓地以安神靈

作為元天下亂乘時得人歲久衆集所以定羣雄  
平禍亂臣民推戴為天下君上尊

四代為帝墳稱

皇陵以報劬勞此歷代必然之理其設官尤重所以  
重者保山陵奉香火也於此之職朕猶未官今劉汪  
姓者見勤農於鄉里其人尚未立名特賜之以名  
口英文勅授從仕郎署余衛護

皇陵於戲古者帝王以六行教及爾善其一尚逢如  
是况備行者乎爾英文可謹遵朕命以傳永久以勵  
後人宜令准此

皇明世法錄 卷十二 聖製 下冊 六

命功臣祀嶽鎮海瀆勅

朕聞天生民而立君君為民而立命所以謹百神  
之祀乃國之先務也朕與卿等當羣雄角逐之時  
戰勝攻取非

上天

后土之眷命

嶽鎮海瀆之效靈安能如是今者新秋在通

嶽鎮海瀆之祀理當報謝古者君符方隅詣祠而祭  
朕為新造邦基民生方始未獲親往特命卿等代  
朕以行奉犧牲祝帛於



神所故茲勅諭汝往欽哉

諭晉王勅

世之有血氣者未嘗不以飲食爲命在常人則嘗之在人上者於飲食必重其事而精調之庶無患矣然飲食固爲人立命其飲食非操膳者亦不能成其膳矣若欲美而不傷非精調者不可前者命爾之國聞道中忽責操膳者吾甚驚之且吾氣雄而志壯率羣英平禍亂未嘗姑息凡人有犯輕重必使各得其所所以然惟操膳者小過釋之大過詳審而議之若非犯分則有赦之果犯分則罪而棄

皇明世法錄

卷十二

聖製

下冊

七

之弗用若罪而復用之則禍矣蓋爲保命之要也故不輕易爾知吾操膳者否止一徐興祖者操吾膳二十三年無輕易不辱之吾平昔甚不忍于事於操膳切記忍之保命也爾當蹈吾所爲勿輕易吉哉

諭中書天象勅

洪武十年十月初十日熒惑犯輿鬼主冢宰凶貴人當獄歟不爾則火災朕嘗切思上帝好生故愛德人而象之使省不覺之過改故爲之愆特勅中書使諸大臣皆知務以德禳災就中

亦爲兵事正在西番教河州嚴備禦恐無知肆侮

命中書議律勅

刑部尚書奏卿等衆議有司三考若過不及則律皆一百徒三年衆議曰未當聞改同舊律非人律罪止八十朕知卿等於律詳明矣尚書復云市村小民行使偽鈔先律杖一百倍追今卿等欲以太重將輕之朕恐因小惠有大患他日鈔無用矣以朕深思熟慮律合如前不許別議其倒印鈔而無律欲收入漏印律當哉

命中書免浙西秋糧勅

皇明世法錄

卷十二

聖製

下冊

八

洪武九年浙西水災民人缺食朕遣官驗戶賑濟至洪武十年雖是時和世豐却言小民九年缺食借利太重既還之後仍復生受荷

天憐憫今年好收若不將九年被災之民全免今年秋糧不足以救艱難爾中書下戶部如勅奉行

命中書誅戶部主事趙乾過期賑濟勅

國以民爲本民以食爲天去秋荆斯等處水災特差戶部主事趙乾前去早爲賑濟何期抵所在不念民瘼之艱難却乃爲一已部事之繁假公在外坐食廩祿自洪武九年十二月至今五月將終方



纔賑濟了畢以致過期飢民餓死者衆詳情度理法所難容雖經斷決亦合處斬

命中書賞賜北平等處軍士勅

朔漠多寒未秋勁風先至朕戍邊將士必挾纊以重裘方度歲寒其北平永平大同山西陝西各處官軍禦寒之衣早爲之計今六月將至北使抵所在給與之則艸木黃落鴈南賓矣上中下賞賜火速發行毋稽

命中書整理甲冑勅

甲冑之成非易爲而速得也比成鐵而成器者艱

皇明世法錄

卷十二

聖製

下冊

九

哉且鐵之成剗山取礪鍊石成針凝精爲鐵然後入良工之手千槌萬剪方乃甲冑成焉若不時時整理恐廢前功今陝西之甲其數甚廣差人前去將見在水磨者務要常川鮮明有線穿者當以皮穿或臨期而用以便壯士俘囚肆侮者

命中書誅知縣高翼勅

朕聞天爲民而生君君爲民而職臣臣體君心而問民瘼宜乎職焉邇聞賴上縣知縣高翼視民不如犬馬旣無察民之疾苦而層簷峻宇於郵亭若不就縣誅之恐神有怒餘者杖斷役之法司如勅

而往決之

命中書諭止安南行人勅

使者自安南歸卽日奏陳安南人情禮意其彼中動以侮詐爲先非以小事大之誠乃生事之國不可數令人往來近有歲貢將期爾中書速遣人至臨境止行人歸毋尚虛禮令安南國王省已修仁

命中書勞苗人勅

治國之道在禮君子安野人正所謂無野人不養君子無君子不顯野人方今平定之初遄年來庭之人當此之際或畏威而至或懷惠而來日漸有

皇明世法錄

卷十二

聖製

下冊

十

之朕恐三衙大臣失勞問罔知緣繇使觀光者素手而歸則恐禮君子之道未當且三苗之爲民也昔在堯舜之時尚未欽服雖有來格之云不過暫朝而已昨日賴川侯將至苗人首目及解侯王來者幾乎輕易發行理合重勞加賞然後遣歸彼方必將來得人

命中書西河等處中糧

嘗聞凡有中國者利盡南海以今觀之若放通海道納諸番之微貢從其來商市舶之所官得其人取合古徵則可比十州之曠稅朕新定華夏邊戍

勞民西番之地中鹽所得之供甚薄。邇來三佛齊胡椒已至四十餘萬。卽今在倉椒又有百餘萬數。可輕定價錢出榜。令好利者往西河及梅川兩處中糧。可免腹裏之民轉運艱辛。若果可行。作急爲之。

命中書勞襲封衍聖公孔希學

先師孔子孫襲封衍聖公孔希學至京朝覲。爾中書下禮部用心禮待。所有隨行者皆要歡心。勿使有缺。故勅速行毋怠。

論中書卻高麗請謚

皇明世法錄 卷十二 聖製 下冊 十一

朕令躬膺

天命。代元治世。君主中國。當卽位之初。法古哲王之道。飛報四夷。酋長使知中國之有君。當是時。不過通好而已。不期高麗國王王額。卽稱臣入貢。斯非力也。心悅也。其王精誠數年。乃爲臣所弑。今又幾年矣。彼中人來請爲王額嗣號。朕思限山隔海。似難聲教。當聽彼自然。不干名爵。前者弑其君而詭殺行人。今豈遵法律。篤守憲章者乎。好禮來者。歸爾大臣。勿與彼中事。如勅施行。

命中書諭高麗

自高麗國王王額奉表入貢。稱臣。其表云。子孫世願爲臣妾。何期數年之後。王被姦臣所弑。弑後疊差人來。來文皆言嗣王之使。爲未知王之端的。拘使詢繇。又三年矣。朕不忍使者父母妻子懸望。特勅歸還。未幾復差使至。卻之不納。使彼自爲人。回不逾數月。止稱賀正。貢馬爲繇。而又使至。稱臣措表。皆嗣王之稱。如此者五次矣。若却之不納。其表皆云。嗣王之所爲也。然朕觀高麗之於中國。自漢至今。其國君臣多不懷恩。但廣詐交而構禍。在昔漢時。高氏失爵。光武復其王號。旋即寇邊。大爲漢兵所敗。唐有天下。亦嘗錫封。隨復背叛。以致父子受俘。族姓遂絕。迨宋之興。王氏當國。逼於契丹。女真。甘爲奴虜。元世祖入中原。嘗救本國於垂亡。而乃妄懷疑貳。盜殺信使。屢降屢叛。是以數遭兵禍。今王額被弑。姦臣竊命。將欲爲之首構。讐怨於我。納之何益。以春秋論之。亂臣賊子。人人得而誅之。又何言哉。奈何前後五次。皆云嗣王之爲。陪臣奉之。爾中書差人詣彼。問嗣王之何如。政令之安在。若政令如前。嗣王不被羈囚。則當仍依前王所言。今歲貢馬一千。差執政陪臣以半來朝。明年貢

皇明世法錄 卷十二 聖製 下冊 十二

漢兵所敗。唐有天下。亦嘗錫封。隨復背叛。以致父

子受俘。族姓遂絕。迨宋之興。王氏當國。逼於契丹。女真。甘爲奴虜。元世祖入中原。嘗救本國於垂亡。而乃妄懷疑貳。盜殺信使。屢降屢叛。是以數遭兵禍。今王額被弑。姦臣竊命。將欲爲之首構。讐怨於我。納之何益。以春秋論之。亂臣賊子。人人得而誅之。又何言哉。奈何前後五次。皆云嗣王之爲。陪臣奉之。爾中書差人詣彼。問嗣王之何如。政令之安在。若政令如前。嗣王不被羈囚。則當仍依前王所言。今歲貢馬一千。差執政陪臣以半來朝。明年貢

金一百觔銀一萬兩良馬百匹細布一萬歲以爲常仍將所拘遼東之民無問數萬悉送回還方乃王位真而政令行朕無惑也設若否此必弑君之賊爲之將後多詐並生必肆侮於我邊陲構大禍於高麗之生民也朕觀此姦之意必恃滄海以環疆負重山固險意在逞兇頑以跳梁視我朝調兵如漢唐且漢唐之將長騎射短舟楫故涉海艱辛兵行委曲朕自平華夏攘胡虜水陸通征騎射舟師諸將豈比漢唐之爲然且遣使往觀問嗣王安否如勅施行

皇明世法錄 卷十二 聖製 下冊 三

大祀禮成諭中書

立綱陳紀治世馭民斯繇上古之君立至今不過相承而法則焉凡有國者必以祀事爲先然祀事之禮嘗聞起於聖王所以有周旋上下稽首鞠躬或進或退獻牲致帛酌酒奉羞甚爲懇懇之至矣若以朕親行聖王之禮法依奠位之儀其於敬神之道無乃褻瀆而華飾之過乎是反不誠也且人不誠者廣暫誠者有永誠者少若措禮設儀飾過事生禮繁人倦而饗祀之神弗安非禮也昔孔子有云禘自既灌而往者吾不欲觀之矣斯昔禮過

而且繁所以仲尼特發是言朕因周旋

神所十有一年見其未當於是更儀殊式合祀

社稷既祀

神乃歡今洪武十二年合

天地而大祀

上下悅若不勅中書下翰林令儒臣紀其事而文之何足以知

上帝

皇祇來歆來饗福及黔黎者也

諭秦王府文武官

皇明世法錄 卷十二 聖製 下冊 四

王府設官本古之道惟文章之士以匡王之性體務欲端方朕封諸子頗殊古道內設武臣蓋欲藩屏國家備侮禦邊間中助王使知時務所以出則爲將入則爲相因靖江王府官與指揮耿良不和甚有欺凌指揮之意於是令武相若有警出則爲將護衛指揮副之歸則不管軍馬錢糧刑名其軍情事務文武議之但則閒中導王以善其中書省艸草行移是致錯朕旨意難爲聽命者今後如勅施行

諭丞相枉序班勅

傳以刑罰不中則民無所措手足今日序班奏昨晚一使自山西至一使自太倉來着引進將至與名姓且曰郎中教只於此處候丞相提奏引見已而終不見郎中復喚於是不敢引見是有丞相怪責不繇分訴刑及二十而膚聞甚枉之因序班奏枉試詳之若爲上者教人正其事而後罪人不行其事此果刑罰之中乎

諭山東布政使吳印勅

洪武十年六月二十日御史臺奏山東按察司副使張孟兼言布政司倒換錢鈔事來云以民倒不

皇明世法錄 卷十二 聖製 下冊 七

許軍倒軍倒不許民倒若以如此爲之是布政司官有所作爲特與軍民便利誠可嘉尚比之其餘布政司官坐視不問民瘼之艱難意思如何今張孟兼輕薄小人必是妄自尊大以致布政司官觀透所以爲人少有笑慢以致此等小人不顧生歎阻壞公政之事特來誑聞今勅御史虞泰前去將張孟兼杖訖六十就鎖項前來再行問罪勅到奉行

又

易云開國承家小人勿用用則必亂邦也朕不聰

明以小人居大位使當要害致是小人恃要害侮君子害忠良今觀此徒誠然有犯古聖人忌避不才之者洪範亦云臣下無有作威作福者其無知之徒擅敢大作威福以致滅亡然自今已後卿等獨守前誠爲國爲民

神天必昭鑒焉朕更謂卿等言勿畏強而自弱勿恃大而眇小於斯慎守吉哉

諭太師韓國公李善長等

世人之於世雖聰明智慧得之於天性然成人之際若不教習而經歷其事恐於事未穩縱使發行

皇明世法錄 卷十二 聖製 下冊 六

之後自覺其非急爲之改又恐不便前者朕特令東宮躬親朝政以練其心志近者朕恐事不穩當又行親理已數日矣朕與卿等議今後諸衙門一應事務必令經繇東宮與爾羣卿等決可否然後聞奏庶得嗣君將來作有道之主卿其係朕命而行之

命知衢州府事文輻

爾文輻承朕命知衢州府事奉公子民毋造後愆則汝嘉焉

諭山西布政使聿克勤

嘗聞歷代爲官署政者多被姦吏所侮亦能作弊互相陷害忠良有乖國事朕每聽之切齒忿恨近於六月十四日山西布政司實封到來內云姦吏無狀今就令布政司官明白省會緣繇於市曹中典刑毋得猶豫不決勅到施行合殺者徐瑗其唐禮吳鼎任瑀袁文禮四名若可殺時就便典刑

賜文學趙晉致仕

孔孟之道卿幼學壯履雖在有元君不卿用惜哉空懷抱而未舒也及朕繼大統旁求方正惟卿名播中土特遣使召至以輔儲嗣朕觀周旋未嘗失

皇明世法錄

卷十二

聖製

下冊

七

儀啓沃之道諄諄皆二帝三王之制若此以輔君君非仁人未之有也朕自得卿宵晝有不勝之喜奈何年已七旬邇來聞苦老疾誠爲可憐嘗聞人烏將終言善鳴哀況去家數千里俄而有疾豈不眷屬之思乎因如是令卿歸於戲孔孟之道卿能體而導人名彰今後亦此道之力焉旣行當詳審調理釋結自繇惟智人爲之吉哉

命桂彥良職王傳

孔孟之爲人也乃一聖一賢所以稱聖賢者自漢唐以來則稱之所以然者何蓋謂務懷才而抱仁

專博濟以善天下其爲望賢之稱非人強稱繇陰陽厚而天地鬼神使然也何當時無聖賢之稱而乃後世稱之此所以陰陽也且孔孟之賢聖也當時奔走天下志在助德者以安生靈使二帝三王之道興何期事在七國縱橫之秋不能行矣朕觀當此之際雖聖與賢猶不得其位如爾桂彥良心淳而不詐本固執而不變其爲人也善其爲學也篤使其通達變化則無所取焉若按之愚人及作聰明者爾尚猶爲能士也今晉無王傳特命爾往職之豈不思一聖一賢在當時切於入仕却乃不得其王佐之位乎爾旣往而至其王府之事所以專者祖訓錄爲規毋作聰明務欲靜安毋干有司事其助王之道務揚善而使之以繇善常論不德之人當使不履其蹤避其險惡也於此切記在心則王佐之才足矣汝往欽哉

勞翰林承旨宋廉

卿去此數月朕嘗思之今卿來此已一復時矣朕恐失顧問少慰勞特遣禮部致食糧及酒肴抵所在卿當引觴而自酌美食肉以養神方稱朕報勞之意未審悅乎

皇明世法錄

卷十二

聖製

下冊

六

又

以臣事君之道固宜虔恭不怠然得休官於家者今古幾人况致仕者非壽高尋常德邁羣職安有是耶卿福膺承壽精力愈加自致仕之後每歲來朝甚感朕心不忍使驅馳數千里而來覲已勅禮部賜食米肴醴卿當自有高年故茲勅諭

諭遼東備禦

兵戎遼海已有年矣雖曰農戰交修其航海之運猶且連年未已近者靖海侯率舟師廣重載揚帆東往所運甚大昨晚忽聞納哈樞正欲整兵來哨皇明世法錄 卷十二 聖製 下冊 九  
已被葉旺中途阻歸因此而料彼前數年但凡時值暑天胡人必不策馬南向今將盛暑彼有此舉太運既至當火速差人星夜前去云以備禦然後上糧則無憂矣

諭羣卿

爾羣卿等督工已有日矣工將成就之期更當善撫梓人早爲完備明且實朕

父母劬勞之時前人皆稱萬壽節日昔年爲有司因此而擾民已下令止之爾諸人來日勿以此而怠務乃稱朕心明日皆不許離工作所倘當謹之毋

意

諭寧夏衛指揮耿忠

人居天地間凡智者必慎修天爵而勤於人爵則禍無門而入福可得悠久也洪武十一年四月二十九日西安都司報寧夏地震且久時刻數之將過半日其所災者頽城壞屋於災異可謂甚矣爾耿忠乃功臣之子弟前者爲不循軌度而有罰焉今降職敕守極邊所統者皆非慣戰之人亦非忠良之士爲首帥者若恩威有歸着則必事乃成功業就若恩威謬有歸着則恐有變切防此等陰謀皇明世法錄 卷十二 聖製 下冊 十  
外寇宜密察之方今天下大定爾所統軍內多有小巧智術者當秉心以正毋爲所惑則無患矣故敕諭之

勞臨洮衛指揮趙琦

西戎北虜頑不遵化每調兵討皆俘獲來獻雖節次總兵官運謀籌算及諸舊將用命以致如是其指揮趙琦世爲藩將累朝皆有勲而致名今琦自歸附以來奮身將隊北征剽罕騰兒西征甘肅又西南追伐朵兒只巴於安定王地方今遍南征川藏皆從征勤勞特差內官前去有官羊所在令留

二百痊賜與之所司奉行毋稽。

論辰州衛指揮楊仲名

兵以恤民爲重。伐暴當先。三苗不遵教化。朕命爾楊仲名帥兵討之。但知兵行日期。其所到去處。至今未審何處。特差內臣吳誠詣軍前觀兵說話。爾其遵守施行的。當消息令人來報。

又

三苗種類不仁。自古帝王多撫而不能遵化。以致累世爲良民害。今年朕特遣爾楊仲名率兵進討。果有韜畧。十一月初一日飛捷至京。不覺朕心懽。

皇明世法錄 卷十二 聖製 下冊 壬

悅。是命內臣尚履奉御呂玉親詣軍前觀兵閱勝。爾其用心以制人勿怠。吉哉。

又

三苗無道。負險重山。既不同於人事。甚不奉於天時。屢起盜心。久爲民患。今命爾楊仲名爲總兵官。率辰沅等處官軍。及土著隘丁兵夫人等。相機進取。以消民艱。爾其深制人之諂。以稱朕意。其辰沅等聽調官軍。悉遵節制。違者以軍律施行。

諭安南使臣阮士諤

爾阮士諤入貢來朝。久馳山川。其勞甚矣。今命爾

歸。復達爾邦。當與叔明言。昔者安南國君陳日煚荒昏以致滅亡。然既亡之後。國中多事連年。今王若不德勝前王。又恐宗社不安。若欲久安之道。務以仁治國。毋以虐爲政。倘有小愆。當自省修德。以釋。則可回天意。

諭元丞相驢兒

洪武十一年六月七月九月。三次遣人北行。兩爲弔祭。一爲與卿等行禮。自去至今。杳無歸者。正念不知存亡。忽十月二十四日。邊將送至平章完者不花。朕於邊將。甚是可怒。見遣使道經本處。而乃

皇明世法錄 卷十二 聖製 下冊 壬

擅將平章取來。竟不失信鄰邦。爲此令平章完者不花回。恐路途有阻。特差內臣一名同行。直抵丞相下處見了。纔方是好。且內臣存亡。或送北行。或就彼誅戮。或使南來。卿以智量之。

勞襲封衍聖公孔希學

卿家昭名歷代不朽。富貴永彰天地間。乃繇陰陽之重云何。以其明彝倫攸叙之精微。表萬世綱常之不泯也。故若是。卿常思祖道可動人天。朕聞卿來朝。已勅中書下禮部。使所用。意未知給否。雖從行者。務要歡心。故茲勅諭。



朕聞上古至智之士所患者五焉。患同庶人而不  
超於庶人。患無學。及學。患不齒於志學者。雖齒於  
志學。患無官。及官。患不忠於君。既忠於君。患不能  
盡孝於二親。青智人患此。而豁然無患矣。此其所  
以智也。爾承敕郎曹儀等。初有司以生員選入國  
學。已異常民之子矣。未及數年。授之以官。不止齒  
於志學。又出於同學者矣。今各言歸繇。有云省親  
者。有云家無尊長。往挈妻孥而來居者。斯二者人  
之太倫也。前五患已畏而行其三矣。惟志與忠未

皇朝世法錄 卷十二 聖製 下冊 三

審若何。果必欲患其志。則當思孟軻三五鼎之厚薄也。民之享也。無非乃微官之享也。有鼎乃貴。智士既知有鼎食而貴。則必遠寒微而忠君矣。爾往省悟之。吉哉。

賜魏鑑等守服家用

朕嘗思之。昔古創業之君。必繇羣英而興。又必以賢能而治。爾魏鑑。曩職炎方。雖歲月未久。亦不見。如而是而已。○爾臧哲。曩職桂林。雖歲月未久。亦不見。雖私以于憲章。然書。胡飲酒太過。每有失焉。且古人欲全其身名者。若一德不備。則日省月修。必備而後已。所以賢能也。卿年幼。以其無酒。施設一應事務。已能者矣。○爾徐中。曩守象。績雖職事之微。而乃身居勢要。未嘗以勢要竊人。亦不見。雖私。

以予憲章縱使古之賢自卿守服至吟朕未忘也  
朝者不過如是而已  
脩經許時恐所用艱辛特差人賜卿魏鑑藏書米  
十五錠○徐中米爲守服用卿當恪恭以孝服滿  
五十石鈔二十錠  
來朝分理庶務爲生民福故茲敕諭想宜知悉

諭高麗使回

爾來者承姦之詐不得已而來誑今命爾歸爾當謂高麗禍首言朕所云其殺無罪使者之讐非執政大臣來朝及歲貢如約則不能免他日取使者之兵豈不知滄海與吾共之若不信吾命則以舳艫數千精兵數十萬揚帆東泊特問使者安在雖

皇明世宗錄 卷十二 聖訓 下冊 五

諭曾秉正等

孔子有云致知格物。物格而後知至。所以累朝名臣及士夫君子。能成其名者。皆因履此道而不悞。故美矣。今爾曾秉正等職。專詳審內外文書。當否奏聞行止。是其務也。別無相干行移。其正官首領官吏皂隸。皆應設之人。已有員數。其秦差之設。非所宜也。且秦差之職。奔走四方。傳遞公文。方是用而展其功。今不當有而有。影射頑民。不當差役。况使居侔位。食廩祿。非助君之道。故敕臺以問之。非

君命而爲理乎。職專可否而已。非道乎。

諭罪人曾秉正

朕觀昔帝王之用臣也無疑。而臣有姦者。奉君多智。是有作聰明之舉。探人主之意。因是罔知。所以是非喋出。離間親親。斯古人所以陷身歿姓。繇是爾曾秉正。性資聰敏。幹辦且能。方今出庶民習儒業。果若是者。罕矣。所以爾在職時。凡有言計。朕嘗聽從。何其智出多端。自欲深垠後程。乃有效古殺身之姦。豈不愚哉。且鰥寡孤獨。古聖人恤此以爲先。爾誦聖人之德。學賢人之心。其是非曉如黑白。皇明世法錄 卷十二 聖製 下冊 壬

卻乃不守所學。而構殃於身。朕向憐才能。免茲免竄。使還鄉里。爾鬻四歲小女。聲曰爲資以歸。是其心之正也乎。於此之際。不才之機可見矣。所以昔人有云。君子絕交。不出惡聲。忠臣去國。不索其名。爾何如也。今爾既不能爲人之父。實難種於世。故聞之。不致生人陷人。是其罰也。

諭中書賑濟京城孤老

今春雨雪霏霏。經旬不止。嚴凝之氣切骨。朕思昔居寒微時。當此之際。承單食薄。甚是艱辛。此時居九重。承貂裘。覺寒若是。其京城孤老。又不知以何

度日。爾中書下府尹。令各三等給鹽。以十觔爲上。如救施行。毋稽。

勞河南府守戍陸齡

西嶠函。東虎牢。龍門襟其前。黃河帶其後。四險固其守。疆不言可知矣。然卿戍此地。勿以四險爲必然。晝當勤率兵於屯所。夜則慎守城隍。身心雖勞。必終世而無患。可爲全人矣。救至嚴號令。遠小人親君子。勿蔽下人功。

諭太師李善長勅

爾太師韓國公李善長。昔當擾攘。挈家艸莽。倉皇奔走。顧命之不暇。時朕帥師東入滁陽。爾迎道以從事。待以腹心。用如手足。朕無上智。于爾。爾或小疵。置之不問。遂成名世之英才。無乃朕忘相從之久乎。非也。朕報功之誠。惟人神共知。今卿年邁。故精力之爲可期。不審爲何。同小吏而枉功臣。而乃黃昏定擬詭語。符同朝奏。此非臣下之當爲。傳不云乎。人臣無將。況國有定律。奏對不實者。杖以心欺。誑者斬。卿謀欺誑。法當斬首。然行賞有誓。爾當三免極刑。今無患矣。止削祿一千四百石。爾其聽之。克謹後誠。庶有嘉貞。故茲勅諭。

皇明世法錄 卷十二 聖製 下冊 壬